

Poldi Kolosihidok pepa youyemguk Yodakale Mede

Kolosi wonjadi yokwet wapum niŋ kwet faki niŋ Esiya wendok gineŋ ikuk. Eŋ Efeso yokwet wapumdi maan unduŋon kabe-yamaingon unŋon ikuk. Kayonbop Kolosi yokwet wapumneŋ u Pol ne mu tubumintaguk, inŋon Poldi Efeso yokwet wapumneŋ hali me noli yeniŋkulune kwet faki wendiniŋ maaneŋ Mede Momoon yoyo tiyaugin hekidi Koloside maan ugin.

Me nolidi nadisukilitihik tubugiyondane tiin unduŋ nadiŋa Poldi nadisuhik tubukilitiyem-dok pepa i kameyemguk. Kameyemuŋa indiŋ yeniŋguk. Kilisto adi nemenemek hogohogok diniŋ mebi. Nihitubulodaan kotigon ninigit-dok talik kubuŋon adi Kilisto hogok, talik ni-maanŋon nemu hatak. Talik noli adi ninig-ilune Kilisto bikabuŋa kweetniŋ uundok hogok hakiin. Kilisto gineŋon Bepandi nemenemek hogohogok tubumintaguk, doktiŋa Kilisto'walaŋ kwanai gineŋon Bepandi nemenemek hogohogok kotigon moŋgotdok nadilak. Kilstodi welenik gineŋ halune indi metam kobuhi hogohogok mintadapmaan Kilisto'walaŋ titiŋniŋ u takalidok.

Poldi pepa i youla meyat lufom yembune meyat wendi pepa i tiŋa Koloside ugumuk. Me niŋ e Tikikus, eŋ me noli Onesimas, me yendegon Poldi

Filemondok pepa youlimingukneŋ unŋŋ mede fee hinek youkuk.

Yokahan en welemoon mede

¹ Pol, nu Bepaŋ'walaŋ maŋiŋ mede tiloon Jesu Kilisto'walaŋ Aposel tugut, en notnik Timoti ² indi Kolosi yopmaŋhi Jesu nadisukilitimiin en Kilisto'walaŋkade woon galiin, hiditok pepa i youhamamut.

Bepaŋ Betnik'walaaniŋ silon tobogon en kulema hidut haliwoon hatuwaak.

Kolosihi adi Jesu nadisukiliti hinek timingin

³ Biyagon kuyon, indi hiditok tiŋa Wapumnik Jesu Kilisto adi'walaŋ Beu Bepaŋ helemahelamaŋ niutumbaan ninadiyamut. ⁴ Hidi Kilisto Jesu nadisukilitimiin, en metam nadisukilitihinit kwetkwet hatiŋa wiin maan welesilon tiyemiin. Hidi'walaŋ kahat u nadiŋa Baŋ Bepaŋ hati niutumbayamut. ⁵ En hidi nadisukiliti hogok mu tiin. Hidi Mede Biyagon diniŋ kiliki hinek Mede Moomon hidi'walaŋkade mintaune nadigin doktiŋa Bepaŋdi nemek momoon hiditok kunum gineŋ tiulidokohamunguk wendok nadikunakunale tiin. ⁶ Kahat u kwetkwet hautaan woon foloonnit tilak. Kaŋ Bepaŋ'walaŋ silon tobogon diniŋ mededi hidi'walaŋkade uune biyagon hinek nadikahile tigin, nai unaningon hidi'walaŋkade foloonnit tuguk. ⁷ Biyagon kuyon, notnik momoon hinek, Epafala, Kilisto'walaŋ kwanai-me mede tilolon mohinek tilak, adikuyen

hanindidimeune nadigin. ⁸ Tiña adigon Munabulidi hidi'walaṅkade welesilon tubumintaguk wendiniṅ mede kahat tinimguk.

Bepaṅ'walaṅ mede nadihinakaṅ wondiniṅ folooṅ tubumintadok

⁹ Kaṅ indi mede kahathik u nadiṅa nai unṅaniṅonṅ tububihila helemahelmanṅ hidi Bepaṅ'walaṅ maṅiṅ mede u nadihinakanenṅ yoṅa hati-ninadiyamut. Uyadi indiṅ. Bepaṅdi Munabuli diniṅ nadisu-fuliṅonṅ eṅ nadinadi u welehek maanenṅ tububediune hidi adi'walaṅ maṅiṅ mede nadidakale-hinakayaneenṅ. ¹⁰ Biyagoṅ kuyoṅ, Wapumdi unduṅ tihambune hidi adi'walaṅ wapmihiniye hinek hatibune hatihatihikdi mebiṅiṅ yohautaune habunadiune utumbaluwaak. Eṅ Bepaṅ'walaṅ titiṅ momohi mebimebi fee hakiṅ u tiña wondiniṅ folooṅ yehitubu-mintaneenṅ. Unduṅ tiña Bepaṅ'walaṅ mebi nadihinaka tiyaneenṅ. ¹¹ Tiña Bepaṅ'walaṅ saṅiniṅ beweniṅonṅ wondi hehiulihiune fafaṅe hinek tiña yalune malabumuṅ mebimebidi hidi foloṅ loune hidi wondoktiña mu gweheyeneenṅ. Adi tobo fafaṅe tiña kulemaṅonṅ hatibune nemenemek u mintadapmawaak kaṅ hidi wendoktiña welemomoonṅ nadineenṅ. ¹² Tiña undugoṅ Betnik adi wahinṅ kunum hauta gineṅ nemenemek wapmihiniyedok gigit boiyemguk u nadisukilitihinit indi molomolom bedok nihitiulidokoguk. Unduṅ doktiña indi nadifo foloṅ niutumbayaneem.

¹³ Bepaṅ adi mambip molom'walaṅ saṅiniṅ gineniṅ nihikagiyali ninigila mihiṅiṅ momoonṅ,

ne kahile tilak, adi'walaŋ hebenŋ ginenŋ nipmeguk. ¹⁴ Mihiniŋ adigoŋ kadakaniniŋ tumolokutnimdok kayoŋkoŋnik tiŋa malabumuŋnik beguk. ¹⁵ Biyagoŋ kuyoŋ, Bepaŋ hebinini'walaŋ folonamandap miŋgoŋ mintaminta u Mihiniŋ foloŋ mintaguk. Adi yadi nemenemek hogohogok u mu mintalune koomkwaha hatitabugukdi hatilak, eŋ hatibaak fafaŋeniŋ. ¹⁶ Nemenemek hogohogok kunum ginenŋ be kwetfoloŋ hatak uyadi adi'walaŋ saŋiniŋniŋ ginenŋ mintadapmaguk. Nemenemek yabu tiyam be mu yabam, metam be aŋelo, saŋiniŋ loloŋnit be fafaŋeniŋ, wapum loloŋnit be mulelem tiyemdok hogohogok u adi'walaŋ saŋiniŋ ginenŋ eŋ netok gigit mintaguk. ¹⁷ Adi yadi nemenemek hogohogok wendiniŋ mebinenŋoŋ tububihila hatigukdi hatilak. Tiŋa undugoŋ nemenemek hogohogok u adigoŋ ulihiune halibulak.

Kilisto adi indi'walaŋ Wapum eŋ Loloŋnit

¹⁸ Tiŋa biyagoŋ kuyoŋ, Kayoŋbop adi adi'walaŋ kayoŋ kohoŋ. Kaŋ ne adi mebinik hatilak. Tiŋa Kayoŋbop u adigoŋ tububihikuk eŋ kumuŋ gineniŋ pilapilat u maan negoŋ tububihikuk. Unduŋ tiŋa nemenemek hogohogok wendiniŋ kobumuŋ tuguk. ¹⁹ Bepaŋ adi hatihati eŋ saŋiniŋniŋ diniŋ tinaulibiniŋ u mihiniŋ foloŋ toki tiŋa hatdok nadiune tuwot tuguk. ²⁰ Tiŋa nemenek hogohogok kunum ginenŋ be kwetfoloŋ adi Bepaŋ net kulema tubumintadok nadiŋa nimbune biyagoŋ hinek adi kolonŋdabek foloŋ loune naŋgatŋiŋdi kulema tubumintaguk.

Jesu'walaŋ kumuŋniŋdi kulema tubumintaguk

21 Hidi koomkwaha Bepañ sigilulum timiņa nadikaule tiņa kadakanij mebimebi tiņila welehiġ goliņgoliņhinit hatiyagiņ. 22 Kaņ Kilisto adi sigiņ gitnemnit mintaan kumuņņiņdi kulema tubumintaan Bepañ'walaņ namanda foloņ uņgoņiņ, eņ welenik waliniņ, eņ yomnit mokit hatidok unduņ tinimguk. 23 Ala wendoktiņa hidi nadisukiliti foloņ ulodikwambundaan yaliņila, Bepañ'walaņ Mede Momooņdi nadikunakunale tububihiamguk u fihambaakneņ ala nadigwehegweheye mu taneeņ. Bepañ'walaņ Mede Momooņ u hidi agaņ haniņit, tiņa hidi hogok moņ, metam kwetkwet maan agaņ yenintaunjit. Biyagoņ hinek, Pol, nu wendok kwanai-me hatilat.

Bepañ'walaņ mede hebiņiņ u Jesu'walaņkade folooņ mintaguk

24 Biyagoņ kuyoņ, nu hehitubu-lodadok tiņa folofigita nadiņa nadifo tilat. Tiņa nu adi Kilisto'walaņ kayoņbop uyadi ne'walaņ folooņ doktiņa uņak tubulodadok nadilat. Eņ Jesu Kilistodi kayoņbop doktiņa folofigita nadidok yoguk u mu dapmaguk doktiņa nu na'walaņ foloone foloņ folofigitadi loune tuwot hinek tibaak. 25 Nu yadi Bepañ medeņiņ hebet doktiņa Kayoņbop diniņ kwanai-me mintaan hidi'walaņkade Bepañ'walaņ medeņiņ wanakaņ hinek hanindidimedapmandok naniņguk. 26 Mede uyadi koomkwaha tububihila hebiņiņ hakukdi hali labune metam hogohogok mu nadiņa hatitalabiņiņ. Ala nai indidegoņ Bepañ'walaņ metam uņgoņiņ hatiyam indi

ninimbihikuk. ²⁷ Tiŋa metam fekhinit mokit hidi'walaŋkade mede hebiniŋ diniŋ duhuduhu momooŋ wapum hinek mintalak. Uyadi Kilistodi welehiŋ gineŋ hatilak wondiniŋ folooŋ Bepaŋ'walaŋ hatihati kobuli wendok nadikunakunale tiŋ. ²⁸ Adi'walaŋ mebi yeniŋa yeyam e metam hogohogok mede munte yeniŋa nadisu-fuliŋ diniŋ mebi hogohogok u yeniyehitubudidime tubudapmayam. Uyadi Kilistodut kadiŋa nadisukiliti metam folooŋ hinek mintaŋ Bepaŋ gut tomboyoutnenŋok unduŋ tiyam. ²⁹ Biyagoŋ hinek, adi'walaŋ saŋiniŋŋiŋdi miŋ-ikiliti tinambune folofigita nadiŋila fiit gigne tiŋa kwanai i tilat.

2

Kilisto nadidahi tiŋa nadidakaledok

¹ Indiŋ hanimbe nadineŋ. Nu hidi bek, be Leodisiyahi eŋ metam noli namandatne mu kagiŋ, hiditok folofigita nadiŋa fafaŋeŋ kwanainelat.

² Tiŋa nu adi welehiŋ tubufafaŋewene welehiŋdi tububihila kifolok tubudapmaune Bepaŋ'walaŋ mede hebiniŋ diniŋ mebi Kilisto ne uŋakoŋ nadidahi timiŋa nadihinakoŋ nadidakaleneeŋ.

³ Biyagoŋ kuyoŋ, adi'walaŋ nadinadi fuliŋgoŋiŋ, eŋ nadidakaleŋiŋ woŋ adi duhuduhu wapum hinek, u Kilisto gineŋ kamehebiŋit hatak.

Me mede folooŋhinit mokit u mu nadidok

⁴ Tiyaug e nebek niŋdi haniŋkulemaŋ welehiŋ tubufitneeneŋ yoŋa mede i yolat. ⁵ Nu na kweetniŋ hatilat, iŋgoŋ walane adi hidut hatilune hidi Kilisto nadisukilitimihinaŋaŋ kifolok

tiin. Undun tiņa kikadoko tubune habuņa nadiwene momoon tilak. ⁶ Hidi Kilisto Jesu adi Wapumhik tihamdok kahilegin doktiņa adi'walaņkade kadiņa hatiyaneen. ⁷ Undun tiņa adi'walaņkadegon kokoihik foune kiliti-fafanen yatneen. En Mede Momoon hanihehitubudidime tiņit u yadi nadisukilitikwambundaan helemahelman Bepaņ niutumba taneen. ⁸ Biyagon kuyon, nebek niņdi metam'walaanin nadinadi yalaņ, foloon mon, u hanihehitubudidimeen nadisuhik tubugiyondaune adi yehikeleneenen ala kikadoko tiyaneen. Mede undihi adi mamahi-papahiye'walaņ mede foloonhinit mokit en kwet dinin saninin folon kadiņa yohatiin. Kilisto'walaņkade adi mu ulodina yoin.

Bepaņ adi Kilisto gut nihitomboyoukuk

⁹ Abe nadiin? Bepaņ'walaņ hatihati en sanininņin dinin tinaulibiņin u Kilisto folon tokiņa hatak. ¹⁰ Undun doktiņa hidi adi'walaanin nemek nemu lohineen. Biyagon kuyon, adi yadi saninin hogohogok en nemenemek lolonnit tiin u yalakapmeen wapumhik hatiyemulak.

¹¹ Biyagon kuyon, adi'walaņ feknit tigin, uyadi Judahi'walaņ fek kohonikdi foloonik folon tiyam u mon. Adi hatihatihik komi kwihililiwenekuhambune Kilisto'walaņ feknit tigin. ¹² Fek uņoloknit titiņdok Imeyout tihamuņa adi'walaņ kumuņņin ginen hehitomboyouliņit. Tiņa indin maan, Bepaņ adi sanininņin di Kilisto kumuņ ginenin tubukaikaguk, hidi maan saninin uņakon nadisukilitigin doktiņa adi'walaņ

pilapilatniḡ gineḡ hehitomboyouliniḡ. ¹³ Hidi koomkwaha fekhinit mokit hatinila kadakaninḡ kaka tiḡa dabahi hatilune Bepaḡ adi yomhik tumolokuhamuḡa Kilisto gut hehitubu-kaikaguk. ¹⁴ Unduḡ tiḡa yeguk e, mede wobunik dininḡ kibikonḡ moḡgotdok pepa foloḡ youhebet hakuk u ulilagineḡ tiḡa looḡ kolonḡdabek foloḡ tebiune dampaguk. ¹⁵ Unduḡ tiḡa yeguk e, yabap saḡininḡhinit eḡ wohiyehinit adi'walaḡ saḡininḡhik ula tiḡa foguk. Tiḡa adi kolonḡdabek foloḡ agaḡ yalakapmeguk wendininḡ mebihik miḡḡoḡ tubuhautaguk.

Nemek gilegilem doktiḡa bombonḡ folooḡ mu wabidok

¹⁶ Metam nolidi kale nanaḡe nanaḡdok kameheḡa dokoniḡḡoḡ hatidok, be Sabat dininḡ gulet, be muyakip gulet u be u, iitdok be mu iitdok wondoktiḡa hanihep mu tiyaneenḡ. ¹⁷ Nemek undihi adi wolininḡ hogok yodok. Foloḡḡ kougoḡ mintawaak wondininḡ wolininḡ timenḡ mintaguk. Ala folooḡ adi Kilistodi tubumintaguk hatak. ¹⁸ Metam noli adi nehitok nadiune didimehi eḡ fofonḡhinit wele tubune hatinila aḡelodok nadiyembune loune gikiḡḡoḡ tiyemiinḡ, eḡ titinḡ komihidi nadinadihik tubugiyondaune welehiḡ dininḡ nadinadi dokotombune nemek hebininḡ kanadi tiyam yoḡa wendok nadiune folooḡ tubune sigihik hogok tilofit tiinḡ. Metam undihi u yadi biyabune mu hehitubu-gweheyeyaneenḡ. ¹⁹ Biyagoḡ kuyoḡ, adi yadi Kilisto gut mo-mooḡḡoḡ mu galiinḡ. Kilisto adi mebinik, eḡ indi

adi adi'walaŋ kayoŋ kohoŋ. Unduŋ doktiŋa susululuniki mebinik gineniŋ tububihila daneen fowoŋ gom be kitiliniŋ yaweneen tubukilitilak. Unduŋ tiŋa Bepaŋ saŋiniŋŋiŋ nimtei tubune bedinaditom tiyam.

Nanaŋe yokamehep diniŋ mede adi metam welehiŋ maaneŋ mintaguk mu yodok

²⁰ Hidi Kilisto'walaŋ kumuŋ gineŋ youdihina kwet diniŋ titiŋ be nadinadi sigilulum nobu timiyanen kaŋ maŋgoŋde kwetfoloŋ hatihati yendok nadiune yohik mebi dabugoŋ tubune yodoko medeŋiŋ takaliŋ? ²¹ Mede indiŋ. Yoŋ adi mu honeweŋ, eŋ yoŋ adi mu naweŋ, eŋ yoŋ adi mu tibeŋ. ²² Biyagoŋ kuyoŋ, nemek moŋgo hinaŋ tiŋa bibiŋdok wendok mede yokamehep uyadi metam nehi welehiŋ gineŋ nadisuŋa yeniyehitubu-didime tiŋ. ²³ Metam undihidi nehi'walaŋ nadinadi tubumintaŋ nadinadi fuliŋhinit wele tiŋa dokoniŋ eŋ foloohiki lanŋatnadok mede u yobune biyagoŋ nabugoŋ tilak. Inŋoŋ mede wendi biyagoŋ mu tilak, be wendi welehiŋ komi diniŋ siloda hogohi tuwot mu kameheyembek.

3

Nemek wahin hatak wendok welehiŋki nadisyaneen

¹ Hidi agaŋ Kilisto pilat tuguk adut nobu tomboyoukiŋ kaŋ wahin Bepaŋ heben gineŋ Kilisto saŋiniŋnit hatilaknen nemek hatak wendok nadisyaneen. ² Kwetfoloŋ inoŋ nemek hatak wendok adi mu nadiyaneen. Adi toboniŋ

wahinkade nemek hatak wendok adigili welehik en nadisuhik unandin nadisuyaneen. ³ Biyagon kuyon, hidi agan kumungin doktina hatihatihik Kilisto gut Bepan ginen hebihatak. ⁴ Kaugon hatigene Kilisto adi Hatihati Molomdi mingon mintaune hidi maan adut hauta holiholinengin ginen mingon mintaneen.

Welehik komihi dihinja beyakutdok

⁵ Nemek indihidok adigili dokoningon hatinila welehik komi kwetfolon dinin kadakaninrit u ulukumuneen. Kefifile, welehik gengenrit, siloda kadakanin, titin kadakanin titindok weleyouyout, me noli'wala bombondok nadigalika. Nebek titin undihi hati tibaak aditok adi ne'wala titin be hatihatiniin di wapumnin timilak undun yodok. ⁶ Nemek yotafomun hogohogok wondinin kibikondok mede yodapman adi Bepan ne tibaak. ⁷ Hidi adi koom nemek u mongo hatinja nadiune welehik dinin bombon foloon tuluguk.

⁸ Ingon nai indinde adi nemek undihi hogohogok u wabidapman tineen. Undun tina yeneen e, kwihita belep, kongolondangon, yofitet, en medehaki u bibin hinek tineen. ⁹⁻¹⁰ Hidi welehik komihi kudi yougitongitonhinit u dihibeyakula welehik kobuli mongo kadahiune foune mongola hatiin doktina mede yala yoyo u maan wabi hinek tineen. Biyagon kuyon, welehik uyadi Bepan ne gitipmun tubumintaune nadinadinit en ne'wala folonamandap undinin hati mintalak. ¹¹ Undun doktina danedane hatihati u agan dapmaguk. Gilikme en Judame, fekhinit en

fekhinit mokit, luhinenhi en guyanhi, tipilapilaye-metam en me bombonji wanakan hogohogok Kilisto kubugonji nihikiudapmaan talitimenjik hatidapmanimilak.

Bepan'walaŋ Mede Momoon nadiŋa hatidok

¹² Bepan negon welesilon tihamuŋa hehidaneen netok gigit hehikahileguk doktiŋa hidi titiŋ fofohi indihhi wendi dahidahihik tubune kadahiŋa hatiyaneen. Me nolidok welebulaninŋon nadiyemnadiyem, en nadiloda, en hidetok nadiune fofonjit tiluwaak, en menot tiŋa baigon nadikulema, unduŋ tubune kedem tibaak.

¹³ Hidi yadi menot tiyaneen en lekinŋonjik gineŋ mede mintaune yom bibiŋ tiyaneen. Wapumdi yomhik bihamguk doktiŋa hidebo undugon taneen.

¹⁴ Tiŋa nemenemek hogohogok u tiŋila welesilon wanaŋ tubune wendi nemenemek hogohogok u wanaŋ yehikiula tubuwalandaan tubudidime-dapmaluwaak.

¹⁵ Tiŋa Kilisto'walaŋ kulemadi welehiŋ kadokoluwaak. Biyagon kuyon, Bepandi hidi kulemanŋon en welekubugon hatidok hanilak ala u tiŋila yonadifo maan tiŋa hatiyaneen.

¹⁶ Kilisto'walaŋ mededi hidi'walaŋ welehiŋ maaneŋ duhuduhunit hahatdok fafaŋe tiyaneen. Unduŋ tiŋa mede fulinŋon mebiŋ u kiyonadi en kiulihi tiŋa kininjkiliti tiyaneen. Unduŋ tiŋa Bepan'walaŋ kap tolune Munabulidi hehitubu-lodaune welehiŋ gineŋ kap kobuhi tobuhiŋa Bepan niutumbaan tomiyaneen.

¹⁷ Unduŋ tiŋila welehiŋdi be kohohikdi nemek tine nadiŋa kan Wapum Jesu nadisukilitimiŋa tiyaneen. Tiŋa adi wou

folon Baŋ Bepaŋdi momoon tihamulak wondok niutumbayaneŋ.

Hekimimbet, tipilapilaye-metam eŋ bombonggi diniŋ mede

¹⁸ Tam yohohiyehinit, hidi yadi Wapum doktiŋa yohohiyedok nadiyembune loune mede tilolon tiyemaneŋ. Unduŋ tubune tuwot hinek tuluwaak.

¹⁹ Me tamhiyehinit, hidi yadi tamhiye u wele-hikdi yabukahile tiyaneŋ. Tiŋa figitaŋgoŋ adi mu tiyemaneŋ.

²⁰ Eŋ wapmihi, hidi yadi mehim-behiyedi mede haniyaneŋ tuwot nadiŋa mede tilolon tiyaneŋ. Unduŋ tubune Wapum adi hiditok welemomoon nadihamuluwaak.

²¹ Baŋ heki, hidi wapmihihiyedi nadilakata tiŋa gweheye tineeneŋ ala fafaŋeniŋgoŋ mu toyemaneŋ.

²² Tipilapilaye metam, hidi maan undugoŋ kwetfolon me bombonggihiye'walaŋ mede wanakaŋ tilolon tiyemaneŋ. Metamdi habunadiune utumbadok adi mu tiyaneŋ, adi Wapumdok nadiune loune wele-hikdi hinek tiyaneŋ. ²³ Tiŋa undugoŋ kwanaihihik hogohogok uyadi metam doktiŋa moŋ, adi Wapum doktiŋa lodaloda folon tiyaneŋ. ²⁴ Biyagoŋ kuyoŋ, indiŋ hinek nadisuyaneŋ. Kwanai diniŋ tuwaŋiŋ adi kunum gineŋ nemek momoon hiditok mebit boiŋit hakiŋ u Wapum'walaaniŋ beneŋ. Wendegoŋ tiŋa Wapum Kilisto'walaŋ tipilapilaye-metamŋiye hatiŋ. ²⁵ Nebek niŋ adi kwanaiŋiŋ tubukadaka tibaak adi yadi wendiniŋ

kibikon bewaak. Wapum adi titiḡhik kedehi be hogohi wendiniḡ kibikon tuwolit hinek tubu-udaneyemulak.

4

¹ Me bombonḡi heki, hidi maan metam tip-ilapilaye tihamiin aditok nemek didimeningon nadididimengon tiyemaneeng. Tiḡa hide'walaḡ bombonḡihik kunum gineḡ hatilak aditok nadikaule nu timiyaneeng.

Bepaḡ ninadi titiḡdok mede

² Hidi gigne tiḡa ninadi kwanai taneeng. Tiḡa hatihatihik momoon hinek kadokoon ninadiḡa niutumbayaneeng. ³ Tiḡa inditok maan Bepaḡ ninadiune Bepaḡdi ne'walaḡ medeḡniḡ diniḡ tali dilitomnimbune Kilisto'walaḡ mede hebiniḡ u yohautayaneem. Biyagon kuyon, nu yadi mede wendegon tiḡa yot fafaḡeniḡ gineḡ hatat. ⁴ Hidi ninadidi nehiulihine nu mede miḡon yohau-taluwaat. Bepaḡdi unduḡ titiḡdok nadinamguk.

⁵ Metam Bepaḡ nu nadisukilitimiin heki dut kimindeḡa kaḡ nemek nadidakaleeng tiyaneeng. Eḡ yehitubu-loda titiḡdok tiulidokoon woom taneeng. ⁶ Hidi metamdi mede nadiḡa nadigalika titiḡdok mede momohi undihi hogok yoyaneeng. Unduḡ tiḡa metam noli'walaḡ medehik tubu-udaneyemdok baigon nadikuwali tubu-udaneyemaneeng.

Poldi Tikikus dut Onesimas yapmeune Koloside ugumuk

⁷ Na'walaḡ mede kahat adi Tikikusdi hanimbaak. Adi adi notnik fofoon eḡ tubulodanik

momooŋ eŋ Wapum'walaŋ mededok tipilapilaye kwanai mohinek tilak. ⁸ Biyagoŋ kuyoŋ, adigoŋ hatihatiniŋ diniŋ mede kahat tihamuŋa welehik tubukilitidok niŋkulene ulak. ⁹ Adi Onesimas gut wooŋ iŋoŋ diniŋ mede kahat u wanakaŋ hanindapmademeek. Onesimas adi hide'walaaniŋoŋ. Ala adi maanŋ notnik fofoŋ eŋ tubulodanik momooŋ.

Mede yodapman

¹⁰⁻¹¹ Me notne yot fafaŋeniŋ gineŋ noŋgoŋ hakamut, Alistaka, adi haniutumba tilak. Eŋ Banabas namaŋ Mak gut Jesu (wou noli Yusto) adi maanŋ haniutumbayamuk. Makdok adi agaŋ hanindakalegut ala nobu usuwaune kaŋ menot timineeŋ. Mewoi wendi hogok Judame heki'walaaniŋ mintagiŋ iŋgoŋ Bepaŋ'walaŋ hati-hati kobuli diniŋ kwanai nehitubu-lodaŋ tubune welemomooŋ nadilat. ¹² Eŋ hide'walaaniŋ me niŋ Epafala, Kilisto'walaŋ tipilapilaye-me, adi maanŋ haniutumbalak. Eŋ hidi fafaŋeŋ Bepaŋ'walaŋ maŋiŋ mede nadidakaleeŋ nemene-mek didimeneŋgoŋ titiŋdok yoŋa helemahelman hehiulihina Bepaŋ ninadilak. ¹³ Nu adi'walaŋ mebi agaŋ nadilat. Adi yadi hiditok eŋ Leodisyahidok eŋ Hilapolihi Bepaŋ nadisukilitimiŋ aditok wanaŋ kwanai wapum hinek tilak. ¹⁴ Eŋ haguwo kwanai-menik momooŋ, Luk, eŋ Dima, meyat adi maanŋ haniutumbayamuk.

¹⁵ Tiŋa nu Leodisyahi metam Bepaŋ nadisukilitimiŋ eŋ Nimpa eŋ Kayoŋbop adi yolineŋ bopneŋ yenitumbalat u yenineŋ. ¹⁶ Pepa

i metam kunayembune nadidapmaune Leodisiyahi Kayonbop aditokbo kameune uune adibo yokunatneen. En aditok nin youyemgut u hidibo hambune yokunatneen. ¹⁷ Akipa adi indin neen. Kwanai Wapumdi gamguk u baigon hinek kadokoon nadidakaleen tuluwaan.

¹⁸ Pol, nu na'walaŋ wotnene youkudip i kamehamulat. Yot fafaŋeniŋneŋ itoulat nutok maan nadisunamaneen. Bepaŋ'walaŋ silon toboŋŋinŋdi hidigut hatuwaak.

**Bepaŋ'Walaŋ Folofolok Kobuli
Genesis, Exodus, Psalms, and the New Testament in
the Numanggang Language of Papua New Guinea
Sampela hap Buk Baibel long tokples Numanggang**

copyright © 2005 Wycliffe Bible Translators, Inc.

Language: Numanŋaŋ (Numanggang)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-08-30

PDF generated using Haiola and XeLaTeX on 21 Feb 2024 from source files dated 31 Aug 2023

217908e9-ce08-5ac3-9947-124c48579a74